

PRIMLJENO: 08.02.2019			
Org. jed.	Broj	Prilog	Vrijednost
01-	1420-	129	/9

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA**

Broj: 13/1-37-2039/19
Tuzla, 07.02.2019.godine

Na osnovu člana 14. i 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 17/00, 3/01, 12/03, 10/05, 3/08 i 8/11), Ministar zdravstva donosi,

**PROGRAM ZAPOŠLJAVANJA KADROVA U ZDRAVSTVENIM USTANOVAMA
TUZLANSKOG KANTONA ZA 2019. GODINU**

1. Cilj

Radi ostvarenja općeg cilja zdravstvenog sistema - poboljšanja zdravlja stanovništva i zadovoljstva korisnika zdravstvenih usluga kroz univerzalnu, efikasnu, kontinuiranu, dostupnu, kvalitetnu i isplativu zdravstvenu zaštitu orijentiranu ka porodici i zajednici i baziranu na promociji zdravlja i prevenciji bolesti, ovaj Program je usmjeren na **Unapređenje resursa u zdravstvenoj zaštiti**.

Ključni resursi u sistemu zdravstvene zaštite su kada, prostor i oprema.

Cilj ovog Programa je obezbijediti mladi stručni kada u zdravstvenim ustanovama na području Tuzlanskog kantona.

Cilj ovog Programa je dati poticaj - podršku upošljavanju doktora medicine i doktora stomatologije koji su imali ugovor potpisani sa zdravstvenim ustanovama po Programu zapošljavanja u 2018. godini, što će im omogućiti sticanje znanja i vještina, a zdravstvenim ustanovama nadomjestiti nedostatak kadra nastao zbog odlaska u penziju i zbog odlaska u inostranstvo radi zapošljavanja.

2. Korisnici

Korisnici ovog Programa su:

- Poslodavci - Zdravstvene ustanove koje su imale zaključen ugovor o finansiranju zapošljavanja doktora medicine/doktora stomatologije u 2018. godini
- Doktori medicine i doktori stomatologije čije je zapošljavanje finansirano po Programu zapošljavanja iz 2018. godine i koji su nastavili sa radom na određeno vrijeme u 2019. godini, mogu koristiti Program zapošljavanja za

2019. godinu maksimalno do 12 mjeseci, uključujući vrijeme po Ugovoru po Programu zapošljavanja iz 2018. godine.

3. Poticajne mjere i ciljne grupe

Cilj poduzimanja ovakvih mjer je da se što većem broju doktora medicine koji su imali ugovor potpisani sa zdravstvenim ustanovama po Programu zapošljavanja u 2018. godini omogući finansiranje zapošljavanja u periodu do 12 mjeseci kumulativno, te pruži prilika za zasnivanje radnog odnosa na neodređeno vrijeme, a isto tako da se zdravstvenim ustanovama omogući da na što laki i jednostavniji način dođu do kvalifikovanog i stručnog medicinskog kadra visoke stručne spreme.

4. Način finansiranja

Program je predviđen za finansiranje dijela troškova u visini do 2.583 KM (bruto plaće, naknada za ishranu u toku rada....) mjesечно za doktore medicine/doktore stomatologije koje je zdravstvena ustanova zaposlila po Programu zapošljavanja iz 2018. godine.

5. Priprema za realizaciju Programa

U pripremnoj fazi Zavod zdravstvenog osiguranja TK će:

- Informisati javnost o Programu zapošljavanja,
- Pozvati zdravstvene ustanove da dostave podatke o doktorima medicine i doktorima stomatologije sa kojima namjeravaju ili su produžili ugovor o zaposlenju po Programu za 2018. godinu,
- Pripremiti tekst ugovora i izvještaja o plaćanju.

6. Poziv, podnošenje prijava i obrada aplikacija

Zavod će objaviti Poziv za učešće u realizaciji Programa putem sredstava javnog informisanja i web stranice Zavoda: www.zzotk.ba.

Poziv ostaje otvoren dok zdravstvene ustanove koje su imale zaključen ugovor sa Zavodom po Programu za 2018. godinu ne dostave aplikacije za doktore medicine i doktore stomatologije sa kojima su imale zaključene ugovore o radu po navedenom Programu.

Zavod će provjeravati pristigle aplikacije, utvrđivati ispunjenost uslova za potpisivanje ugovora sa zdravstvenom ustanovom, te ukoliko su uslovi ispunjeni sa istom, uz saglasnost Ministra zdravstva Tuzlanskog kantona, potpisati ugovor o finansiranju.

7. Praćenje i realizacija ugovora o sufinansiranju

Nakon potpisivanja Ugovora o finansiranju, zdravstvena ustanova je dužna dostaviti potpisane ugovore sa doktorima medicine/doktorima stomatologije, a do kraja svakog mjeseca za protekli mjesec dostaviti Zavodu kopije platne liste i dokaze o isplati plaće i drugih naknada za finansiranu osobu.

Nakon dostave dokaza Zavod će zdravstvenoj ustanovi refundirati ugovoreni - isplaćeni iznos sredstava za protekli mjesec.

U slučaju da je doktor medicine odnosno stomatologije, za koga se vrši finansiranje, privremeno spriječen za rad duže od 42 dana ili koristi porodičjsko odsustvo, zdravstvenoj ustanovi se za taj period isplaćuje iznos u visini razlike ugovorenog iznosa (ukoliko je za isti dostavljeno pravdanje) i iznosa koji se refundira od nadležnog organa, a radi izbjegavanja eventualne dvostrukе naplate sredstava.

Zavod ima pravo kontrole postupanja zdravstvene ustanove u skladu sa odredbama potписаног ugovora, te ukoliko utvrdi da ista ne ispunjava preuzete obaveze pokrenuti će postupak raskida ugovora.

8. Monitoring i ocjena uspješnosti

Početni podaci su:

- Broj ugovora sa doktorima medicine i doktorima stomatologije koji su potpisani,
- Iznos planiranih sredstava za Program zapošljavanja.

Podaci o aktivnostima su:

- Broj dostavljenih ugovora sa doktorima medicine i doktorima stomatologije kojima je produžen ugovor po Programu iz 2018. godine,
- Broj zaprimljenih aplikacija.

Izlazni podaci su:

- Broj zaključenih ugovora o finansiranju,
- Iznos ugovorenih sredstava.

Indikatori uspješnosti su:

- Broj javnih zdravstvenih ustanova koje su ispoštovale odredbe ugovora u cijelosti,
- Broj osoba iz ciljne skupine koje su ostale u radnom odnosu nakon isteka ugovora o finansiranju zapošljavanja.

Dostavljeno:
1x ZZO TK
1x evidenciji
1x a/a

